

ԱՌԱՋԱՐԿ / ԴԻՏՈՂՈՒԹՅՈՒՆ

ԲՅՈՒՋԵՏԱՅԻՆ ՀԱՅՏԻ/ ԾՐԱԳՐԵՐԻ ՎԵՐԱԲԵՐՅԱԼ

Կազմակերպության անվանումը՝	«Իրավունքների պաշտպանություն առանց սահմանների» ՀԿ
Հասցեն՝	Երևան, Ամիրյան 11/24
Էլեկտրոնային փոստը՝	info@prwb.am
Հեռախոսահամարը՝	098505303; 010505303
Պետական մարմնի անվանումը՝	ԲԱՐՁՐԱԳՈՒՅՆ ԴԱՏԱԿԱՆ ԽՈՐՀՈՒՐԴ
Ներկայացման ամսաթիվը՝	17.04.2023թ.

1. Շահառուների որ խմբի շահերն է ներկայացնում դիտողության/առաջարկի հեղինակ կազմակերպությունը՝
<b>Դիտողություն ներկայացնող կազմակերպությունը իրավապաշտպան կազմակերպություն է, որը զբաղվում է մարդու իրավունքների խախտումների տուժողներին իրավական աջակցություն տրամադրելով, այդ թվում՝ դատարանում:</b>
2. Ներկայացվածը հանդիսանում է արդյոք այլ ԲՀԿ-ների կամ կազմակերպությունների հետ համատեղ մշակված դիտողություն/առաջարկ: Եթե այո, ապա նշել այն կազմակերպությունները, որոնք մասնակցել են դրա մշակմանը:
<b>Ոչ</b>
3. Դիտողության/առաջարկի վերաբերյալ իրականացվել են արդյոք խորհրդակցություններ հիմնական շահառուների հետ՝
<b>Դիտողությունների հիմքում ընկած է Կազմակերպության կողմից իրականացված հետազոտության արդյունքները (հասանելի <a href="https://prwb.am/2022/02/10/zekuyc-5/">https://prwb.am/2022/02/10/zekuyc-5/</a>), ինչպես նաև դատարանների գործերության և դատաիրավական բարեփոխումների իրականացման մշտադիտարկման արդյունքները: Հետազոտության շրջանակներում հարցազրույցներ են իրականացվել նաև դատական համակարգի ներկայացուցիչների հետ:</b>
4. Կազմակերպությունը ենթադրում է արդյոք իր մասնակցությունը առաջարկվող ծրագրի/միջոցառման ֆինանսավորման, իրականացման կամ մոնիտորինգի գործընթացներում: Եթե այո, ապա նշել ենթադրվող մասնակցության ձևը ( <u>լրացվում է միայն նոր նախաձեռնություն հանդիսացող առաջարկի դեպքում</u> ):
5. Նշել այն ոլորտը, բյուջետային ծրագիրը և միջոցառումը, որին առնչվում է դիտողությունը/առաջարկությունը ( <u>նոր նախաձեռնություն հանդիսացող առաջարկի դեպքում ծրագրի կամ միջոցառման դասիչները կարող են չլրացվել</u> )՝

Ոլորտը՝  
Ծրագրի դասիչը և անվանումը՝

Դատաիրավական  
1080 «Դատական իշխանության գործունեության  
ապահովում և իրականացում»

Միջոցառման դասիչը և անվանումը՝

6. Նշել ներկայացված դիտողության/ առաջարկի բնույթը՝

Դիտողություն

Առաջարկություն

Նոր նախաձեռնություն

7. Նշել, թե ինչ հարցերի է անդրադառնում ներկայացված դիտողությունը/ առաջարկությունը (կարելի է միաժամանակ նշել մի քանի տարբերակներ)՝

Նպատակներ	<input type="checkbox"/>	Ծառայության որակ	<input type="checkbox"/>
Գերակայություններ	<input type="checkbox"/>	Ծառայության մատչելիություն	<input type="checkbox"/>
Շահառուների շրջանակ	<input type="checkbox"/>	Ֆինանսական հաշվարկներ	<input checked="" type="checkbox"/>
Սպառվող ռեսուրսներ	<input checked="" type="checkbox"/>	Արդյունքային ցուցանիշներ	<input checked="" type="checkbox"/>
Իրականացման եղանակներ	<input type="checkbox"/>	Վերջնական արդյունքներ	<input checked="" type="checkbox"/>
Նոր ծառայություններ	<input type="checkbox"/>	Նոր տրանսֆորմներ	<input type="checkbox"/>
Նոր կապիտալ ներդրումներ	<input type="checkbox"/>	Արդյունավետություն	<input checked="" type="checkbox"/>

Այլ՝ \_\_\_\_\_

8. Ներկայացնել դիտողության/ առաջարկի բովանդակությունը (100 բառի շրջանակներում)՝

**1. Բյուջեի նախապատրաստման փուլում չեն ապահովվում պատշաճ խորհրդակցություններ դատական և գործադիր իշխանությունների միջև, որի արդյունքում բյուջետային հայտի պատրաստումից հետո Կառավարությունը հանդես է գալիս որոշակի նախաձեռնություններով, որոնք էականորեն ազդում են դատական համակարգի ֆինանսավորման վրա:**

**Մասնավորապես, առաջին ատյանի դատավորների վարձատրության ավելացումը 60% հավելում նախատեսելու միջոցով շրջանառության մեջ է դրվել ԲԴԽ կողմից բյուջետային հայտը կազմելուց հետո: Նման պրակտիկան Կազմակերպության կողմից արձանագրվել է ամեն տարի 2020 թվականից ի վեր: Անհրաժեշտ է հստակեցնել և համակարգել դատական ֆինանսավորման վրա ազդող նախաձեռնությունները և համապատասխանեցնել բյուջեի պլանավորման ցիկլին:**

**2. Հայտը նախատեսում է դատավորների թվի հնարավոր ավելացում և դրա համար անհրաժեշտ ֆինանսավորում: Միևնույն ժամանակ նշված թվի ավելացման մասին Կառավարության որոշում առկա չէ:**

**3. Ծրագրի արդյունավետության չափման ցուցիչները թույլ չեն տալիս գնահատել ծրագրի արդյունավետությունը: Մասնավորապես, Ծրագրի գծով 2024-2026թթ. համար սահմանվել են հետևյալ թիրախային ցուցանիշներ՝ Ըստ WEF-ի ցուցանիշի՝ դատական համակարգի անկախությունը իշխանության այլ ճյուղերի, անհատների կամ ընկերությունների ազդեցությունից 6,3 ցուցանիշը /ելակետային 3,3-ից/: Չի բացատրվում, թե ինչու է ընտրվել հենց այդ ցուցանիշը, որ գործոններն են համարվել խնդրահարույց և ինչպես պետք է**

**Խնդիրների հաղթահարման վրա աշխատել, որպեսզի ապահովվի թիրախային ցուցանիշը: Հավելված 12-ում նշված «Արդյունքի չափորոշիչները», ելակետային ու թիրախային ցուցանիշ չսահմանելով, թույլ չեն տալիս գնահատել աշխատանքի արդյունավետությունը: Սա հատկապես վերաբերում է գենդերային ցուցանիշներին որպես արդյունքի ցուցանիշ: Վերլուծությունը ցույց է տալիս, որ որևէ լրացուցիչ քայլեր չեն ձեռնարկվում գենդերային հավասարությունը խթանելու ուղղությամբ, այլ պարզապես արտացոլվում է վիճակագրությունը, ուստի դա չի կարող ծառայել որպես արդյունքի չափորոշիչ: Դատարանի՝ ի դեմս դատավորի, աշխատանքի արդյունավետությունը գնահատելու համար կարող է ծառայել ստացված/քննված/ավարտված գործերի քանակը և դրանց համար պահանջված ժամանակահատվածը: Օրինակ, եթե որպես ելակետային տվյալ նշվում է դատավորի վարույթում գտնվող գործերի թիվ, իսկ որպես թիրախային տվյալ՝ ավելի նվազ թիվ, այդ դեպքում որպես միջոց դիտարկվում է դատավորների թվի ավելացում, որոշ վեճերի դեպքում այլընտրանքային վեճերի լուծման մեխանիզմների ներդրում/ավելի արդյունավետ կիրառում, և տարեցտարի դատավորի ծանրաբեռնվածության /գործերի թվի/ ցուցանիշը թույլ կտա գնահատել, թե արդյոք կիրառված միջոցառումները թույլ են տվել հասնել նպատակին, թե ոչ: Հավելված 12-ի 5-րդ բաժնում նշված ցուցիչների ընտրությունը հիմնավորված չէ՝ թիրախային նպատակին ու ցուցանիշին հասնելու տեսանկյունից: Օրինակ՝ պարզ չէ, թե ինչպես ԲԴԽ կողմից 35 օրենսդրական նախաձեռնությունը կնպաստի WEF ցուցանիշի բարձրացմանը: Արդյո՞ք պարզ են այն ոլորտները, ըստ 2018թ. գնահատման 3,3 ցուցիչի, որոնց վերաբերյալ անհրաժեշտ են օրենսդրական նախաձեռնություններ և այլն:**

9. Ինչ օգուտներ են ակնկալվում առաջարկի իրականացման արդյունքում: Ինչպես է առաջարկի իրականացումն ազդելու թիրախային շահառուների, այդ թվում՝ մատուցվող ծառայությունների որակի վրա՝

**Ավելի պատշաճ պլանավորում, որի արդյունքում դատական համակարգի բարեփոխումները կլինեն ավելի արդյունավետ և կանխատեսելի, և ֆինանսավորման միջոցով անկախության ապահովումը կամրապնդվի:**

10. Ինչ ժամանակահատվածում է նախատեսվում իրականացնել առաջարկը՝

**Մինչև Ազգային ժողովի գլխադասային հանձնաժողովում քննարկումների անցկացումը**

11. Ընդհանուր գնահատականներով ինչ ռեսուրսներ (սարքավորումներ, աշխատաժամանակ, ֆինանսական միջոցներ և այլն) կպահանջվեն առաջարկի իրականացման համար՝

#	Նկարագրություն	Գումար (ՀՀ դրամ)
1	Ներքին ռեսուրսներով	
2		
...		
Ընդամենը՝		

12. Առաջարկը ենթադրում է արդյոք պետական բյուջեից բացի ֆինանսավորման այլ աղբյուրների ներգրավում: Եթե այո, ապա ներկայացնել առաջարկի համաֆինանսավորման աղբյուրները, ուղղությունները և նախնական ֆինանսական գնահատականները:

**Ոչ**